



Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 43. Regis libertas duris conditionibus redempta

[urn:nbn:de:hbz:466:1-66459](#)

§. XLIII.

*Regis libertas duris conditionibus
redempta.*

Sæcul. XV.
A.C. 1468.

Cunctis rebus adeo sinistre succedentibus necesse fuit, ut Galliarum Rex libertatem suam novo pacto redimeret. Igitur utrinque sancitum I. Rex retenta Normannia Bituricensi Duci Campaniam & Briam cedet; II. Burgundum unacum copiis, quotquot Duci præscribere placebit, Leodium usque comitabitur, ut ipius testis esset severæ castigationis, quam infelix iste populus subire tenebitur. His pactis utrinque firmatis Rex a Leodiensium foedere recedere, ac promittere jubebatur, quod initæ pacis conditiones inviolabili fide servare velit, in cuius fidem jusjurandum super brachio S. Lautonis, & salyficæ Crucis reliquiis, quas Ludovicus secum attulerat, præstare compellebatur. Posthaec excubiis ab arce amotis, Britanniæ ac Bituricum Duces de tota rerum serie confestim edocebantur.

§. XLIV.

Rex unacum Duce vix non a Leodiensibus captus.

Postera die Dux cum exercitu suo in Leodienses movit, atque ad urbem castra

